

ԳԱՌՆԻԻ ԺԱԿԱՏԱՄԱՐՏԻ ՊԱՏՄՈՒԹՅԱՆ ՇՈՒՐՋ

ՀԱՅՐԱՊԵՏ ՄԱՐԳԱՐՅԱՆ

Վերջին խորեղմշահ Ջալալ ադ-Դինի (1220—1231) արշավանքներն Անդրկովկաս՝ մոնղոլական արհավիրքներին անմիջապես նախորդող ամենակարևոր իրադարձություններն են XIII դ. երկրորդ տասնամյակի Հայաստանի և Վրաստանի պատմության մեջ: Խորեղմշահ զորաբանակի յոթնամյա ռազմական գործողությունները տնտեսական, քաղաքական և ռազմական տեսակետներից զգալիորեն թուլացրին Անդրկովկասը, որոշ չափով ազդեցին նաև սոցիալական պրոցեսների ընթացքի վրա ու ծանր հետևանքներ ունեցան անդրկովկասյան ժողովուրդների համար:

Հայաստանում և Վրաստանում Ջալալ ադ-Դինի հետագա ձեռնարկումների համար բախտորոշ նշանակություն ունեցավ Գառնիի ճակատամարտը՝ մեծ չափով պայմանավորելով խորեղմշահի ապագա հաջողությունները: Ջնայած Ջալալ ադ-Դինի արշավանքների պատմությանը հատկացված ուշադրությանը, այդ կարևորագույն իրադարձությունն առայժմ չի արժանացել հատուկ քննության: Մասնագիտական զրականության մեջ այսօր էլ տարբեր, երբեմն հակասական տեսակետներ են հայտնվում ճակատամարտի ճշգրիտ ժամանակի, ընթացքի, մասնակից կողմերի ուժերի հարաբերության, հայվրացական բանակի պարտության պատճառների, հետևանքների և այլ հարցերի վերաբերյալ, ուստի այդ խնդիրների վերստին արժարժույթը կարևոր է:

Մոնղոլների կողմից իր հայրենիքից հալածված խորեղմշահը Հայաստան ներխուժեց 1225 թ., Ատրպատականից¹, «գերելու և ավերելու Դվինն ու շրջակա երկրները»²: Նորահայտ թշնամու դեմ ճակատամարտելու համար Ռուսուդան թագուհին (1223—1245) ուղարկեց աթաբեկ և ամիրսպասալար Իվանե Զաքարյանին, որը, «ժողովեալ... զամենայն զոյժ և զօրութիւն Հայոց և Վրաց»³, վճռական մարտի ելավ Կոտայք գավառում, Գառնի գյուղաքաղաքի մոտ: Հայվրացական բանակի հաղթանակը կնշանակեր պարտության մատնել և արտաքսել թշնամուն, իսկ Ջալալ ադ-Դինի հաջողությունը նրան թույլ կտար շարժվել ուղղակի Թբիլիսիի վրա:

Սկզբնաղբյուրները բավական տվյալներ են ընձեռում՝ պարզելու հակառակորդ զորաբանակների թվաքանակը: Ըստ Իբն ալ-Ասիրի, հայվրացական

¹ «Հաաքումն Պատմութեան Վարդանայ վարդապետի», Վենետիկ, 1862, էջ 143, «Պատմութիւն նահանգին Սիսական, արարեալ Ստեփաննոսի Օրբէլեան արքեպիսկոպոսի Սիւնեաց», Թիֆլիս, 1910, էջ 399:

² «Վրաց ժամանակագրություն», թարգմանությունը հին վրացերենից, առաջաբանը և ծանոթագրությունները Պ. Մուրադյանի, Երևան, 1971, էջ 59:

³ Ստեփանոս Օրբելյան, էջ 399:

զորքերի թիվը հասնում էր 70 հազարի⁴, սակայն ավելի ստույգ կարելի է համարել Ջալալ ադ-Դինի կենսագիր ան-Նասավիի և Ս. Օրրելյանի համահնչուն վկայությունները⁵ և այդ թիվը ճշգրտել 60 հազարով⁶, Այսպիսով, հայ-վրացական զորքերի թվաքանակի հարցում աղբյուրները գրեթե նույնահաղորդ են, ինչը չի կարելի ասել խորեզմշահի բանակի վերաբերյալ: Վրաց ժամանակագիրը խորեզմիների զորքերի քանակը հաշվում է 140 հազար, իսկ Վարդան Արևելցին այդ թիվը հասցնում է 200 հազարի⁷: Այս խիստ չափազանցված թվերին հակառակ, Ռաշիդ ադ-Դինը խորեզմիների բանակի մեծությունը սահմանափակում է 30 հազարով⁸, բավական դժվար խնդրի առաջ կանգնեցնելով հետազոտողներին: Հարցի պարզաբանմանը, թվում է, կարող են նպաստել իրադարձություններին ժամանակակից հեղինակ ալ-Բադաուդի վկայությունները, որոնք նա քաղել է վեց տարի Թբիլիսիում ապրած մի բժշկից: Վերջինիս կարծիքով, խորեզմիների թվաքանակը չի հասել 100 հազարի, այլ եղել է թերևս 60 հազար⁹: Եթե նկատի առնենք ան-Նասավիի հաղորդումն այն մասին, որ մինչև Գառնիի ճակատամարտը Ջալալ-ադ-Դինի զորքերի մեծ մասը մեկնել էր այլևայլ երկրամասեր, ապա հասկանալի կդառնա հայ-վրացական բանակի քանակական գերկշռության մասին խորեզմշահի կենսագրի հավաստիացումը¹⁰: Այդ գերակշռությունը, այնուամենայնիվ,

⁴ «Материалы по истории Азербайджана из Тарих ал-Камиль (Полного свода истории) Ибн ал-Асир а», перевод П. Жузе, Баку, 1940, с. 156 (այսուհետև՝ Ибн ал-Асир).

⁵ Шихаб ад-Дин Мухаммад ан-Насави, Жизнеописание султана Джалал ад-Дина Манкбурны, перевод с арабского, предисловие, комментарии, примечания и указатели З. М. Бунятова, Баку, 1973, с. 156 (այսուհետև՝ ан-Насави), «Մանր ժամանակագրություններ, XIII—XVIII դդ.», հ. 1, կազմեց Վ. Հակոբյանը, Երևան, 1951, էջ 39:

⁶ Զ. Ա. Բոուլը («The Cambridge History of Iran», vol. 5, Cambridge, 1968, էջ 327), հետևելով իրն ալ-Ասիրին, հայ վրացական զորքերի թիվը հաշվում է 70 հազար: Սխալվում է Զ. Բոուլի «Գրեթե» բառով, իսկ իրն ալ-Ասիրը ևս վկայում է 60 հազարի օգտին (ан-Насави, с. 361, прим. 1):

⁷ «Վրաց ժամանակագրություն», էջ 59, Վարդան, էջ 143:

⁸ Рашид ад-Дин, Сборник летописей, т. I, кн. вторая, М.—Л., 1952, с. 242: Գարսիկ պատմիչ Ջուվեյնի (Գ. յ օ յ Ե օ Ժ ց, չքցցցցնի ցնոցցցնի Եթաթցցցց Եթաթցցցց, տծ., 1974, ցց. 29), ընդհանուրապես, ավելի քան 30 հազար է հաշվում հայ-վրացական զորքերի թիվը: Այսպիսով, Ջուվեյնիի և Ռաշիդ ադ-Դինի տեղեկությունները հակասում են իրար, բանի որ նրանցից որեւէ մեկը, ինչպես երևում է, սխալմամբ հակառակորդ կողմին է վերագրել 30 հազար թվաքանակը: Բնի Ջուվեյնիի ժամանակով նախորդում է Ռաշիդ ադ-Դինին և թվում է թե սխալը պետք է թույլ տար առաջինի ասածները հաճախ կրկնող Ռաշիդ ադ-Դինը, որոշ նկատառումներ մտածել են տալիս թյուրիմացություն ակնկալել Ջուվեյնիի երկում: Երկու հեղինակն էլ չափազանցված են ներկայացնում իրենց հավատակից Ջալալ ադ-Դինի հաշվարկները (И. П. Петрушевский, Вазир Шараф ал-Мульк, «Ближний и Средний Восток», М., 1962, с. 34) և դժվար է կարծել, որ նրանք իրականից երկու անգամ փոքր նշելին խորեզմշահի հակառակորդ բանակի թվաքանակը: Ուստի պետք է կարծել, որ ավելի ճիշտ է Ռաշիդ ադ-Դինի վկայությունը, քան խորեզմշահի զորքերի թիվը, ինչպես և սպասելի էր, նկատելիորեն սակավացված է:

⁹ C. Cahen, 'Abdallāh al Baghdādī et les Khwārizmiens (Iran and Islam, in memory of the late Vladimir Minorsky', Edinburgh University Press, 1971, p. 159).

¹⁰ Ан-Насави, с. 157.

թվում է, այնքան էլ բացահայտ չի եղել, ինչպես փորձում են ներկայացնել ան-Նասավին և Ռաշիդ աղ-Դինը: Պետք է անպայման հաշվի առնել նաև այն հանգամանքը, որ Զալալ աղ-Դինի բանակին, «անհավատների» դեմ ելնելու նրա կողերի ազդեցությամբ, հաճախ ուղեկցում էին նաև որոշ տեղական մահմեդական իշխանավորների ու զանազան քոչվոր թուրքմենական ցեղերից կազմված զորաշղկատները¹¹:

Սկզբնաղբյուրները բավական համերաշխ են ներկայացնում ճակատամարտից առաջ երկու կողմերի զորքերի նախնական դասավորությունը, կռվի ընթացքն ու ելքը: Հայ-վրացական զորքերի՝ Գառնիի մոտ, բարձունքի վրա տեղակարգվելու մասին ան-Նասավի վկայությունը¹² հաստատում և լրացնում են Կիրակոս Գանձակեցին («Իւանէ... կայր հանդէպ նոցա ի վերոյ»)՝¹³ և Միխայել Ասորու ժամանակագրության հայ շարունակողը («Իջաւ (Իվանեն—Հ. Մ.) ի լեառն Գառնոյ, որ կոչի Աղուշերմն»)՝¹⁴ Իվանեի բանակի այս գերադասելի դիրքը, որ հնարավորություն էր ընձեռում հարձակման համար, հայ-վրացական զորքերը շօգտագործեցին: Կիրակոս Գանձակեցին նույնիսկ Իվանեին մեղադրում է երկշոտության մեջ՝ «տեսեալ զնոսա (խորեզմցիներին—Հ. Մ.) զանգիտեաց, զետեղեալ ի տեղւոջն»¹⁵: Նկատելով դա, Զալալ աղ-Դինը որոշեց նախահարձակ լինել. խորեզմշահի հետ միասին գրոհի նետվեց նրա բանակի ձախ թևը, որտեղ դասավորվել էին նետածիգները՝ հակառակորդին հեռվից հարվածելու համար¹⁶, Իվանե աթաբեկը խորեզմցիների հարձակմանը դիմագրավելու համար ուղարկեց առաջապահ ջոկատը՝ Շալվա և Իվանե Ախալցխեցի իշխանների գլխավորությամբ: Ինչպես պատմում է վրաց ժամանակագիրը, «Երբ մերձեցան [վրաց] նախահարձակներն ու սուլթանը, այն ժամանակ Իվանե աթաբեկը ոտը կախ գցեց: Ասում են, թե թշնամությամբ կար [նրա] և ախալցխեցի Շալվայի ու Իվանեի միջև... վրաստանի հիմնովին ավերմանը դրդեց, ինչպես տառու կերևա, երբ Իվանե աթաբեկը մաքուր ժամին ետ կանգնեց և այլևս չէր գնում դեպի մաքուր շողերը: Մինչև բոլոր նախահարձակները մարդ ուղարկեցին [Իվանե աթաբեկի] մոտ և ասացին. «[ընդհուպ] մոտեցել ենք սուլթանին ու նրա բանակին, մենք խիստ սակավաթիվ ենք, և ծանր մարտ է մեզ սպասում: Ուղարկիր մեզ [օգնության] թագավորական քաջ զորքերն ու քաջությունը քո»: Այսպես երկու-երեք անգամ [մարդ] ուղարկվեցին, սակայն նա ոչինչ չէր պատասխանում... Իվանե աթաբեկն ու վրացական զորքը տեսնում էին ուժգին մարտը և չէին խղճում ազգակիցներին ու հավատակիցներին՝ Քրիստոս խոստովանող թորեցիներին ու նրանց հետ՝ բազում անվանիների, այլ կանգնել էին հեռվում, և Իվանե

¹¹ խորեզմցիների բանակի խայտաբղետ կազմի մասին վկայում է Կիրակոս Գանձակեցին. «Եւ կուտեաց (խորեզմշահ—Հ. Մ.) զօրս անթիւս ի պարսից, և ի տաճկաց, և ի թուրքաց...» (Կիրակոս Գանձակեցի, Պատմութիւն Հայոց, աշխատասիրությամբ Կ. Մ. Ե. 1904 թ. 4-րդ տպագրության, Երևան, 1961, էջ 224): Զալալ աղ-Դինի և թուրքմենական ցեղերի ու տեղի տիրույթների համագործակցության մասին այլևայլ առիթներով խոսում է նաև ան-Նասավին (առ-Насави, с. 149, 160—161, 279—280):

¹² առ-Насави, с. 158.

¹³ Կիրակոս Գանձակեցի, էջ 224—225.

¹⁴ Միխայել Ասորու, Ժամանակագրութիւն, Երուսաղէմ, 1870, էջ 527.

¹⁵ Կիրակոս Գանձակեցի, էջ 225.

¹⁶ առ-Насави, с. 157—158.

աթաբեկը չէր կամենում օգնել, որի առաքի պատճառը թշնամաբեհ էր, այլ ոչ թե վախը»¹⁷: Իվանեի և Շալվայի ջանքերը նման պարագաներում զուր անցան. «Շալվան հենց տեղում գերվեց հույժ մեծ բազմության կողմից, իսկ Գառնիի սարերի ծերպերին ապաստանած Իվանեն վերևից գցված քարով սպանվեց»¹⁸: Ծակատամարտի վախճանը պատկերավոր է նկարագրում Կիրակոս Գանձակեցին. «Իսկ զօրն վրաց այնմ ուշ ոչ եգին, այլ փախեան ի տեղուոյ է. անտի, մինչև այր զընկեր ի փախուստ ո՛չ գիտէր: Եւ երթեալք առանց ուրուք հալածելոյ ամենեքեան ի վախից ի վայր մղեալք՝ ի ձոր անդր լնուին ի գլուխս քաղաքագեղն Գառնույ: Եւ իբրև տեսին զայն զօրքն սուլտանին, զհետ մտեալ՝ զբազումս կոտորեցին և զայլս գահավէժ արարին»¹⁹: Ինքը՝ Իվանե աթաբեկը, հազիվ հազ կարողացավ փախչել և ապաստանել Գեղի (Քեղի) ամրոցում²⁰, որտեղից էլ վերադարձավ Բջինի²¹:

Գառնիի ճակատամարտում Զալալ ադ-Դինի հաղթանակը սովորական չէր այն առումով, որ ձեռք բերվեց ոչ միայն և ոչ այնքան նրա զորքերի խիզախության շնորհիվ (ավելին՝ խորհրդաճշմարիտ գծով էր մնացել իր բանակի աջ թևի գործողություններից)²², այլ հակառակորդ բանակի զարմանալի թույլ պիմադրության հետևանքով²³: Այս հանգամանքը հայ-վրացական զորքերի պարտության պատճառների հանգամանալից պարզաբանմանն առավել մեծ կարևորություն է հաղորդում²⁴:

Քննվող խնդիրը լուսաբանող սկզբնաղբյուրներից ամենաուշագրտվ վկայությունները պատկանում են վրաց ժամանակագրին, որը Գառնիում հայ-վրացական զորքերի պարտության հիմնական պատճառը համարում է միջ-

¹⁷ Վրաց ժամանակագրություն, էջ 60 (այս և հետագա ընդգծումները մերն են—Ղ. Մ.):

¹⁸ Նույն տեղում, էջ 61:

¹⁹ Կիրակոս Գանձակեցի, էջ 225, հմտ. Մխիթար Այրիվանեցի, Պատմութիւն Հայոց, Մոսկվա, 1860, էջ 66:

²⁰ Ստեփանոս Օրբելյան, էջ 399, «Մանր ժամանակագրություններ», հ. I, էջ 39: Ամրոցի անունը հետազոտողները երբեմն հիշատակում են «Գեղե» (Քեղե) ձևով (Ղ. Մանանդյան, Երկեր, հ. Գ, Երևան, 1977, էջ 199, Լ. Բաբայան, Հայաստանի սոցիալ-տնտեսական և քաղաքական պատմությունը XIII—XIV դարերում, Երևան, 1964, էջ 185, օջ. Ջօզֆ օ Մցոլօ, լեռնաշղթաների և քաղաքների անվանումները, III, տծ., 1966, թ. 54, ժան. 2), այսպիսով ուղղական ընկալելով սեռական հոլովածը և առանց նկատի ունենալու «իսկ»-ով վերջացող հատուկ անունների հոլովական առանձնահատկությունը (Ս. Ավագյան, Ի հանդուրձանանունների սեռական, տրական հոլովների կազմությունը Ժ—ԺԳ դարերի վիմական արձանագրություններում (ՎՄԱԳ և հայագիտության հարցերը, Երևան, 1968, էջ 129): Ամրոցի պատմության և տեղադրության շուրջ տե՛ս Գ. Հովսեփյան, Խաղաղությանը կամ Պոռոյանք հայոց պատմության մեջ, Անթիլիաս, 1969, էջ 33, Մ. Հովհաննիսյան, Հայաստանի բերդերը, Վենետիկ, 1970, էջ 372—375:

²¹ Վրաց ժամանակագրություն, էջ 61: Զ. Բուխաթովին թվացել է, թե Իվանեն Գառնիից անմիջապես փախել է Բջինի (ан-Насави, с. 363, прим. 6), քանի որ պատմիչը նշում է Իվանեի վերադառնալը. «Իվանե աթաբեկը վերադարձավ Բջինի, սուլթանը՝ Ատրպատական և Նախիջևան» (Վրաց ժամանակագրություն, էջ 61):

²² ан-Насави, с. 160.

²³ Աղբյուրները չեն հաստատում այն կարծիքը, թե «Գառնիի ճակատամարտը լափազանց համառ բնույթ է կրել» (Լ. Բաբայան, նշվ. աշխ., էջ 185):

²⁴ Անընդունելի է այն բացատրությունը, որ առաջարկում է Գ. Հովսեփյանը. ըստ նրա, «հայ-վրացական զորքերը շարաշար պարտություն կրեցին իրենց անփութության շնորհիվ» (Գ. Հովսեփյան, նշվ. աշխ., էջ 45):

և մոնղոլներից պարտություն կրած Զալալ ադ-Դինը վտանգավոր հակառակորդ չէ իրենց համար²⁸։

Որ իվանեի գործողությունները պատահական չեն դիտվել և դատապարտվել են ժամանակակիցների ու Ռուսոտյան թագուհու կողմից, պարզորոշ երևում է Վրաց ժամանակագրի այն վկայություններից, որոնք վերաբերում են Զալալ ադ-Դինի դեմ տրված երկրորդ մեծ մարտին՝ Մինդորիի ճակատամարտին։ Ըստ պատմիչի, թագուհին այդ անգամ մարտի գնացող զորքերի հետ չի ուղարկել արքայական դրոշը՝ ռիվանեյաթաբեկի կատարածի պատճառով²⁹։

Քննենք նաև այն հարցը, թե աթաբեկի համար իրո՞ք այդքան ազդու հանդամանք էր թագուհու առաջ պատասխան տալու հարկադրանքը։ Վերհիշենք թեկուզև XIII դ. երկրորդ կեսի պատմությունը, երբ Դագի, Գարգառի ճակատամարտերի և 1174 թ. Անիի դեպքերի ժամանակ մեծատոհմիկ ավատատերերը և, առաջին հերթին, ամիրսպասալար իվանե Օրբելին, ընավ իսկ չերկնշելով համեմատաբար ավելի մեծ փաստական իշխանություն ունեցող, վճռական ու հաստատակամ Գեորգի Գ-ից (1155/56—1184), չէին վախենում անգամ թշնամու հետ համագործակցելուց³⁰։ Պետք է անպայման նկատի ունենալ նաև այն անփխտելի հանգամանքը, որ Թամար թագուհու (1184—1207/1210) գահակալության վերջին տարիներին սկսված թագավորական իշխանության թուլացումը Գեորգի-Լաշայի (1207/1210—1223) և Ռուսոտյանի ժամանակ առավել մեծ չափով էր իրեն զգացնել տալիս, որը և չէր կարող դուռ չբացել մեծատոհմիկ ազնվականության ներսում նոր բախումների ու պայքարի համար։ Թամար թագուհու մահվանը հաջորդած ներդառակարգային խլրտումների մասին պատմում է նույնիսկ Իբն ալ-Ասիրը³¹, իսկ հայկական աղբյուրները հիշատակում են միջավատատիրական պայքարի մի բնորոշ դրվագ՝ մոնղոլական առաջին արշավանքն ավանդելիս³²։ Ուստի իվանեի ու Շալվա և իվանե Ախալցխեցիների միջև թշնամությունն՝ ամենևին էլ անհավանական չէ, մանավանդ երբ փորձում ենք բացահայտել այդ հակառակության հիմքերը։ Ակադ. Ն. Բերձենիշվիլու ուշագրավ կոհանմամբ, երկպառակությունն արդյունք կարող էր լինել այն պայքարի, որ մղում էին երկու իվանեներն աթաբեկության պաշտոնի շուրջ³³, սկսած XIII դ. սկզբից։ Հիշենք, որ Կարսի գրավումից հետո Թամար թագուհին հենց իվանե Ախալցխեցուն էր շնորհել Կարսի ամիրայից ամիրայի տիտղոսը և Լաշա-Գեորգիի խնամակալությունը՝ աթաբեկությունը³⁴։ Թեև այդ կարևորագույն պաշտոնի շուրջ

²⁸ Ո. Յ. Ջոցանո Մցոլո, Նշվ. աշխ., էջ 48—49։

²⁹ «Վրաց ժամանակագրություն», էջ 70։

³⁰ Լ. Մարգարյան, Հյուսիսային Հայաստանի և Վրաստանի ժԲ դարի պատմության մի քանի հարցեր, Երևան, 1980, էջ 109—121։

³¹ Ибн ал-Асир, с. 131.

³² Մոնղոլների դեմ կռիվի թե՛ պահին Մանասագոմ բերդի տեր Համիդուն կտրել էր իվանե աթաբեկի ձիու ոտքի ջիւրը («Մադաթիա արքայի Պատմութիւն վասն ազգին նետողաց», Ս. Պետերբուրգ, 1870, էջ 5, հմտ. Վարդան, էջ 142)։

³³ Գ. Զյուժցեո Մցոլո, საქართველომ იმტოროის საკითხები, ტ. IX, თბ., 1979, გვ. 184, 202։

³⁴ Ժառտլոս Ենտրոն, ტ. II, თბ., 1959, გვ. 59. Լ. Մելիք-Բեկ, Վրաց աղբյուրները Հայաստանի և հայերի մասին, Ե. Բ, Երևան, 1936, էջ 20։

մղված պայքարը լուսաբանող տվյալները կցկտուր են, անկասկած է, որ աթաբեկության հանձնումը իվանե Զաքարյանին՝ բոլորովին էլ այնպես խաղաղ ու կամավոր չի կատարվել, ինչպես որ ցանկանում է ներկայացնել Թամար Թագուհու առաջին պատմիչը։ Նրա պատմածն ավելի շուտ կասկածել է տալիս, որ իվանեն ինքն է թագուհուն հարկադրել իրեն հանձնել աթաբեկության պաշտոնը, այդպիսով այն խլելով, թերևս, իվանե Ախալցխեցուց։

Իվանե Զաքարյանի և Ախալցխեցիների միջև պայքարը, ընդ որում դարձյալ ի վնաս վերջիններիս, շարունակվում էր, հավանաբար, նաև հետագայում։ Թվում է, այդ բախումների արդյունքը նկատի ունի Վրաց ժամանակագիրը, երբ պատմում է Քոսե-դադի (Չմանկատուկի) 1243 թ. նշանավոր ճակատամարտին Իկոնիայի սուլթանի կողմից մասնակցող վրաց իշխանների մասին. «Զորապետներ նշանակեց (Ղիաս ադ-Դին սուլթանը—Ն. Մ.) Շարվաշիս-ձե Ափխազին՝ Դարդին անվամբ... նրա հետ՝ Ախալցխեցի-Թորեկի Շավլայի որդի Փարազավային, որը փախստական գնացել էր սուլթանի մոտ և քաջ ու մարտերում անվանի մարդ էր»³⁵։ Երկու տոհմերի միջև թշնամությունը կարող էր հանդարտվել XIII դ. 40-ական թվականների կեսերից, երբ Զաքարյանների գերակշռությունն ակնհայտ էր, և իվանե Ախալցխեցու որդի Դավիթը ծառայում էր Ավագ Զաքարյանի մոտ՝ իբրև հեջիր³⁶։

Հայ-վրացական զորքերի միասնությանն ու համերաշխությանը դժալի հարված էր հասցնում նաև դավանական հարցերում իվանե աթաբեկի դիրքորոշումը։ Գրեթե բոլոր հայկական աղբյուրները Գառնիի պարտությունը բացատրում են իբրև նախախնամության պատիժ՝ ի պատասխան նրա կրոնական անհանդուրժողականության³⁷։ Թիվանեի բռնած այս դիրքը հայ եկեղեցու հանդեպ, անշուշտ, մի մեծ սխալ էր, որովհետև նրա կրոնական անհամբերատարությունը դժգոհություն և պառակտում էր առաջացնում հայերի մեջ, որոնք վրացիների հետ միացած պետք է պաշտպանեին Հայաստանն ու Վրաստանը արտաքին ահեղ թշնամիներից, — գիտում է ակադ. Ն. Մանանդյանը³⁸։

35 «Վրաց ժամանակագրություն», էջ 77։ Ուշագրավ է, որ «Պատմութիւն վասն ազգին նետողացի» վկայությամբ, «էր որդին մեծին Շալուէի առ սուլտանն ի վաղուց ժամանակաց» (այսինքն «Պատմութիւն վասն ազգին նետողաց», էջ 14)։

36 «Վրաց ժամանակագրություն», էջ 80—81,

37 Կ ի Ր ա կ ո ս Գ ա ն ձ ա կ ե Յ ի, էջ 224, Վ ա Ր դ ա ն, էջ 143, Մ ի խ ա յ ե լ Ա ս ո Ր ի, էջ 527։

38 Ն. Մ ա ն ա ն դ յ ա ն, նշվ. աշխ., էջ 198։ Սկզբնաղբյուրների այս զգուշավոր գնահատությանը հակառակ, Շ. Մեսխիան, մեջբերելով և զարգացնելով Վ. Հարությունովայի այն միտքը, թե XII—XIII դդ. «Հայկական ազնվականության ներկայացուցիչները, ընդունելով քաղկեդոնականություն, ոչ միայն զաղքտում էին հավանությունը ազգային եկեղեցուն, այլև հաճախ խլում էին նրանից տաճարներն ու վանքերը՝ դարձնելով դրանք քաղկեդոնական» (ՀՍՍՀ ԳԱ «Լրաբեր», 1971, № 3, էջ 90), իվանե աթաբեկին «հայոց հավատին և եկեղեցուն բացահայտ պայքար» հայտարարող ու քաղկեդոնական ֆանատիկոս է ներկայացնում (Յ. Յեկեո, «Լեզգիական պատմությունը և իր նշանակությունը» XII համաժողովի «Լեզգիական պատմությունը», տեղ. 1979, թ. 257—258)։ Այսպիսով, մոռացության է տրվում այն հանգամանքը, որ Հայաստանում դրոշմ հայ քաղկեդոնականների համար ամենևին էլ խորթ չէր ազգային զգացումը և նրանց՝ հայ մշակութի հարստացմանն ուղղված գործունեությունը մասամբ ընթանում էր հենց երկաթակներին հանձնված վանքերում, ինչը փայլուն երևում է հենց Սիմեոն

կարելի է ենթադրել, որ Իվաննի՝ կռվի մեջ շմտնելու որոշման վրա ազդեցին նաև հայկական զորամասերի դժգոհ տրամադրություններն այն իմաստով, որ աթաբեկը հույս չէր դնում մարտի մեջ մտնելու նրանց պատրաստակամության վրա: Այս տեսանկյունից, թերևս, պատահական չպետք է համարել այն փաստը, որ առանց մարտի մեջ մտնելու Սյունիք վերադարձավ Լիպարիտ Օրբելյանն իր զորամասով³⁹:

Ցավոք, աղբյուրները հնարավորություն չեն ընձեռում պարզելու, թե Գրանիում Իվաննի բռնած դիրքորոշման վրա ինչ չափով էին ազդել Ռուսոդան թագուհու հետ նրա հարաբերությունները: Իրն ալ-Ասիրը, պատմելով Ռուսուդանի կողմից նորանոր ամուսնությունների հարց արժարժեքիս այդ մտադրությունների հանդեպ թշնամական դիրքի մասին, առաջին հերթին հիշատակում է Իվաննին⁴⁰: Այդ լարված հարաբերությունները թագուհու և աթաբեկի միջև արդյո՞ք հետք չթողեցին Իվաննի ճակատագրական որոշման վրա:

Այսպիսով, Գրանիի պարտության պատճառների շարքում վճռական դեր պետք է հատկացնել ոչ թե զուտ ռազմական գործոններին, այլ, ամենից առաջ, ներքին անհամերաշխությանն ու տարաձայնություններին, որոնք էլ

Պղծահանեցու օրինակից, խաչ է քաշվում հայ քաղկեդոնականների պատկառազու մշակութային վաստակի վրա (П. М. Мурадян, Культурная деятельность армян-халкедонитов в XI—XIII веках (II Международный симпозиум по армянскому искусству), Ереван, 1978): Ինչ վերաբերում է կոնկրետ Իվաննի աթաբեկին, ապա եթե Շ. Մեսխիային ինչ-որ կերպ ներելի է երկաթեղի Իվաննի կողմից միաբնակ Հաղարծնի և Մորո Ձորո վանքերը վերանորոգելու («Դիվան հայ վիմագրության», հ. VI, Երևան, 1977, էջ 22—24, 135—138) փաստերին անտեղյակ լինելը, ապա նա իրեն քաջածանոթ կիրակոս Գանձակեցու Պատմությունից պարտավոր էր դիտենալ, որ հենց Իվաննի՝ տեղի և այնուհետև մյուս հայ իշխանների հետ միասին միջոցներ տրամադրեց Մխիթար Գոշին՝ Նոր Գետիկի վանքը կառուցելիս (Կ ի ր ա կ ո ս Գ ա ն ձ ա կ ե ց ի, էջ 210, 216): Հենց նույն Գոշը Զաքարիի հետ միասին Իվաննին էր դիմում՝ իրեն հուզող խնդիրներում երկուսի օգնությունն էլ հայցելով («Արարատ», 1900, էջ 497): Ազգային եկեղեցուց ամենեին էլ կտրված չէին նաև մյուս երկարակ հայ իշխանները: Այսպես, Սադուն Մահկանաբերդցին և Ավազ աթաբեկի դուստր Խոջաքը մասնակցում էին հայոց եկեղեցու համար կենսական նշանակություն ունեցող խնդիրներ արժարժող Ձազավանի 1270 թ. ժողովին (Գ. Հ ո վ ս ե ի յ ա ն, Ձազավանից. ժողովը, «Շողակաթ», էջմիածին, 1913, էջ 23—27): Նույն Սադունը համարվում էր «տեղի Հաղատայ՝ մեծ և ճշակատար սրբոյ ուխտին» («Պատմութիւն վասն ազգին նետողաց», էջ 28): Այս առումով շափազանց ուշագրավ է հատկապես Մխարաբեկ Զաքարյանի և նրա կին Վաննիի արձանագրությունը Սանահինում. «էկի վանքս ու զտեղս անմարդ գտաք, որ ի մուհաջաց եւ առաջնորդէ եւ այլ հարկէ աւերած էր եւ էկեղեցիքս փակած: Եւ զայս խառաք տեսաք, մանու շափառումեցաք, յաւազ գատկին զվ(ար)դ(ապետն)երն ի քաջ ին արարել եւ այլ շատ նախատինք: Եւ արք, ես, ամիրսպասալար Մխարաբեկս եւ թագատրազն ամուսին իմ Վաննի... մեք զպղծեղ գմեծ արձանս փառեցաք եւ զեկեղեցիքս ամեն հարկէ ազատեցաք...» (Կ. Ղ ա ֆ ա դ ա յ ա ն, Սանահինի վանքը և նրա արձանագրությունները, Երևան, 1957, էջ 125): Ավելացնենք, որ Շ. Մեսխիան հաճախ միակողմանի է ներկայացնում նաև մյուս Զաքարյանների բարդ զավանական քաղաքականությունը՝ անտեսելով հարուստ և հավաստի հայկական վիմագրական նյութը և, ընդհակառակը, լիովին հավատ ընծայելով այս հարցում գույները խտացնող կիրակոս Գանձակեցուն և Վարդան Արեւելուն:

³⁹ Ս տ ե փ ա ն ո ս Օրբելյան, էջ 390:

⁴⁰ И б н а л - А с и р, с. 151.

որոշեցին ճակատամարտի ելքը՝ ժանր կորուստներ պատճառելով հայ-վրացական բանակին⁴¹։

Սկզբնաղբյուրները ճակատամարտը միաբերան թվագրելով 1225-ով, փոքր-ինչ տարբեր են նշում ամիսը։ Իբն ալ-Ասիրը ճակատամարտը դնում է հիշրայի 622 թ. շաբան ամսին⁴² (1225 թ. օգոստոսի 8—սեպտեմբերի 5), սակայն ան-Նասավին այն ավելի վաղ ժամանակով է թվագրում։ Ըստ նրա, Զալալ ադ-Դինը Դվինից Թավրիզ է մեկնել հիշրայի 622 թ. ուշաբ ամսին⁴³ (1225 թ. հուլիսի 9—օգոստոսի 7), հետևաբար մինչև այդ իրադարձությունը տեղի ունեցած Գառնիի ճակատամարտը, համաձայն խորեզմշահի կենսագրի հաղորդումների, ընկնում է հուլիսին կամ օգոստոսի սկզբին։ Այս ժամանակագրական տվյալները գալթակղեցուցիչ եզրակացություն են հուշում՝ ճակատամարտը թվագրել ուշաբ և շաբանի սահմանագծային օրերով՝ օգոստոսի 7—8-ով, սակայն իբն ալ-Ասիրի հստակ ցուցումները հարկադրում են մերժել նման վարկածը։ Պատմիչի տեղեկությունների համաձայն, Զալալ ադ-Դինը Մարաղան գրավել է 1225 թ. հուլիսին, հիշրայի 622 թ. ուշաբ ամսի 17-ին (1225 թ. հուլիսի 25)՝ տիրել Թավրիզին⁴⁴ և այնուհետև արշավել Հայաստան ու Վրաստան։ Այս հյուսկեն ժամանակագրությունը հաստատվում է Իկոնիայի սուլթան Ալա-ադ-Դին Քեյ-Կուրադին Զալալ ադ-Դինի հղած ուղերձի տվյալներով, որի բնագիրը պահպանվել է Իբն Բիբիի աշխատությունում։ Այն գրվել է հիշրայի 622 թ. Զումադ Բ ամսի վերջին⁴⁵ (1225 թ. հուլիսի սկիզբ), որից հետո միայն պետք է տեղի ունենային հետագա իրադարձությունները։ Եթե 1225 թ. հուլիսի սկզբին Զալալ ադ-Դինը դեռևս Մարաղայում էր, ապա միանգամայն աներևակայելի է, որ նա հասցներ, հենց ըստ ան-Նասավիի տեղեկությունների, Մարաղայից մեկնել Ուլան, այնուհետև 7-օրյա պաշարումից հետո գրավել Թավրիզը և մինչև հուլիսի 9-ը ներխուժել Հայաստան ու բանակել Գառնիի մոտ⁴⁶։ Թվում է, որ, այնուամենայնիվ, ան-Նասավիի տեղեկությունները նկատառելի են այն իմաստով, որ հուշում են ճակատամարտը թվագրել ոչ թե Իբն ալ-Ասիրի վկայած շաբան ամսվա վերջով, այսինքն՝ սեպտեմբերի առաջին օրերով, այլ օգոստոսով, ավելի հավանական է վերջին օրերով։

Այսպիսով, սկզբնաղբյուրների վերստին քննությունը հնարավորություն է բնօրինակում ճշգրտել Գառնիի ճակատամարտի ժամանակը⁴⁷, մոտավոր ճշտու-

⁴¹ ան-Նասավին զոհվածների թիվը համարում է 4 հազար (ан-Насави, с. 158), իսկ Իբն ալ-Ասիրը այդ թիվը հասցնում է 20 հազարի (Ибн ал-Асир, с. 157)։

⁴² Ибн ал-Асир, с. 156.

⁴³ ан-Насави, с. 159.

⁴⁴ Ибн ал-Асир, с. 155.

⁴⁵ ан-Насави, с. 359, прим. 2.

⁴⁶ Նույն տեղում, էջ 154—157։ Զ. Բունիաթովը Թավրիզի գրավման մասին հաղորդումը (հիշրայի 622 թ.) կոնկրետացրել է՝ փակագծերում ավելացնելով առաջարի 17-ը (նույն տեղում, էջ 156)։ Բնագրի մեջ, ըստ Իբն ալ-Ասիրի տեղեկությունների, նման հավելում մտցնելը սխալ է և ավելորդ է, քանի որ երկու պատմիչների հաղորդումները ժամանակագրական առումով զգալիորեն տարբերվում են և դրանով արհեստական հակասություն է ստեղծվում ան-Նասավիի աշխատությունում։

⁴⁷ Լ. Բաբայանը, վկայակոչելով Կիրակոս Գանձակեցու և Իբն ալ-Ասիրի տեղեկությունները, Գառնիի ճակատամարտը դնում է 1225 թ. սեպտեմբերի կեսերին (Լ. Բաբայան, նշվ.

թյամբ որոշել պատերազմող կողմերի ուժերի հարաբերությունը և, ամենակարևորը, կռվի սակավ ուշադրության արժանացած հանգամանքների քննության մի լուսարանություն տալ հայ-վրացական բանակի պարտության հիմնական պատճառների հարցին:

К ИСТОРИИ ГАРНИЙСКОЙ БИТВЫ

АЙРАПЕТ МАРГАРЯН

Резюме

В политической истории Закавказья второго десятилетия XIII в. важное место занимают нашествия последнего хорезмшаха Джалал ад-Дина (1220—1231), в значительной степени ослабившие страны Закавказья в военно-политическом и экономическом отношении и оказавшие определенное влияние на ход социальных процессов.

В дальнейших успехах Джалал ад-Дина решающее значение имел победный исход Гарнийской битвы, происходившей между армяно-грузинской армией, возглавляемой атабеком Иванэ Захаридом, и хорезмийцами.

На основе сводного анализа армянских, грузинских и восточных источников удалось выяснить время сражения (последние дни августа 1225 г.), соотношение сил сражающихся сторон (60 тысяч воинов армии атабека Иванэ против несколько меньшей армии Джалал ад-Дина, укрепленной, однако, отрядами местных мусульманских владетелей и ополчением из туркменских племен), а также главные причины поражения армяно-грузинских войск (внутриклассовая борьба и противоречия между различными группировками феодалов).

աշխ., էջ 185, հմմտ. «Հայ ժողովրդի պատմություն», հ. III, Երևան, 1976, էջ 604), սակայն առաջին պատմիչը որևէ ամիս չի նշում, իսկ երկրորդի վկայությունները, ինչպես տեսանք, նման թվագրման համար հիմք չեն կարող ծառայել: